

愛如生數字古籍

古三坟书

〔宋〕佚名撰

宋绍兴沈斐婺州州学刻本



古三墳書三馬蓋本傳世絕渺明季彙刻
注有之皆經改竄并為一馬藏者多不
重焉讀書敏求記載有宋本即此沈斐
刻於婺州學中者也他家書目俱不經見直
齋書錄謂為偽書而博之吾讀此書其為
治之道簡而彌要洵濟世之良輔正不必論
書之偽不偽也況刊刻峻正楮墨精潔宋
本中之尤罕見者丙辰三月寒露



三月十六日偕慕邢詞長范分丈人及鳳樓
靈姬遊順和園步長廊得句云二百七十八椽
廊俯水仰山一帶長低檻穿花簷接葉春
人都被綠陰藏泛舟昆明湖出水閣又得
句云乍來風縞一湖波疾送輕舟轉白河
夾岸新枝繁似錦疏紅贏得夕陽多易
藤輿止玉泉山下旅舍燈下破篋出書展
翫爰紀斯遊焉

寒雲




古三墳書序

毛漸正仲撰

春秋左氏傳云楚左史倚相能讀三墳五典八索九丘孔安國叙書以謂伏羲神農黃帝之書謂之三墳言大道也漢書藝文志錄古書爲詩而三墳之書已不載豈此書當漢而亡歟元豐七年余奉使京西巡按屬邑歷唐州之比陽道無郵亭因寓食于民舍有題于戶曰三墳書某人借去亟呼主人而問之曰古之三墳也某家實有是書因命取而閱之三墳各有傳墳乃古


文而傳乃隸書觀其言簡而理暢疑非後世之所能爲也就借而歸錄間出以示好事往往指爲僞書然考墳之所以有三蓋以山氣形爲別山墳言君臣民物陰陽兵象謂之連山氣墳言歸藏生動長育止殺謂之歸藏形墳言天地日月山川雲氣謂之坤乾與先儒之說三易特異皆以義類相從曲盡天地萬物之理復有姓紀皇策政典之篇文辭質略信乎上古之遺書也胤征引政典曰先時者殺無赦不及時者殺無赦孔氏以謂夏后爲政之典籍今政典之文頗

與書合豈後之人能僞耶世人徒以此書漢時
已亡非後世之宜有且尚書當漢初重賁而莫
得至武帝時方出於屋壁間詎可遂爲僞哉余
考此書旣篤信之將以詒諸好事君子故爲之
叙云





[illegible]

山墳第一



天皇伏羲氏連山易

爻卦大象第一



崇山君

君臣相

君民官

君物龍

君陰后

君陽師

君兵將

君象首

伏山臣

臣君侯

臣民士

臣物龜

臣陰子

臣陽父

臣兵卒

臣象肢

烈山民

民君食

民臣力

民物貨

民陰妻

民陽夫

民兵器

民象體

兼山物

物君金

物臣木

物民土

物陰水

物陽火

物兵執

物象春

潛山陰

陰君土

陰臣野

陰民鬼

陰物獸

陰陽樂

陰兵妖

陰象冬

連山陽

陽君天

陽臣幹

陽民神

陽物禽

陽陰禮

陽兵譴

陽象夏

藏山兵

兵君帥

兵臣佐

兵民軍

兵物材

兵陰謀

兵陽陣

兵象秋

疊山象

象君日

象臣月

象民星

象物雲

象陰夜

象陽晝

象兵氣

傳崇山君崇崇其高君之象也君臣相相位至
貴君之臣也君民官君臨百官以爲民也君物
龍龍善變化能致雲雨爲君物也君陰后君妻

曰后正婚姻也君陽師君師賢聖以詢道也君
兵將君不兵衆專務將佐也君象首首統方來
君之象也

伏山臣潛伏其山臣之象也臣君侯建侯君民
分方治也臣民士士守常業臣之民也臣物龜
死不改岳勸以義也臣陰子子爲臣陰訓事父
也臣陽父父爲臣陽以訓孝也臣兵卒臣以卒
爲兵假其力也臣象肢臣象股肱以佐身也

烈山民山有行列民之象也民君食民所尊崇
以食爲本路故爲君矣民臣力民之使力如君

使臣也民物貨四民之物以貨爲本也民陰也
民之有妻以成家也民陽夫女之從夫以有歸
也民兵器生民之兵以利用也民象體民爲邦
本如肌體也

象山物高下相兼物之象也物君金金主利用
物之君也物臣木木爲金所剋服故爲臣矣物
民土土生萬類爲物民矣物陰水水性潤下物
之陰也物陽火火性炎上照察惟明物之陽也
物兵執物之相克勝制爲兵也物象春春主發
生物之象也

潛山陰深潛其山陰之象也陰君地地德廣大
爲陰君也陰臣野野分地理故爲陰臣也陰民
鬼人死曰鬼陰之民也陰物獸麟爲獸長陰之
物也陰陽樂樂本聲音爲陰之陽也陰兵妖陰
告人主厥罰妖異也陰象冬冬主閉藏陰之象
也

連山陽山之相連如陽氣也陽君天天覆群物
陽之君也陽臣幹十幹相配陽之臣也陽民神
神變萬物陽之民也陽物禽鳳皇之至陽之物
也陽陰禮禮主卑已陽之陰也陽兵譴天垂譴

象陽之兵也陽象夏夏長萬物陽之象也

藏山兵藏剛地兵之象也兵君帥帥以統衆兵之君也兵臣佐佐以輔帥兵之臣也兵民軍軍有行列兵之民也兵物材圯生五材兵之物也兵陰謀謀善計兵之陰也兵陽陣陳兵誓衆兵之陽也兵象秋秋主殺物兵之象也

疊山象石疊其山如天象也象君日日爲陽精象之君也象臣月月爲陰精象之臣也象民星星有行列明相照也象物雲雲有異形象萬物也象陰夜夜景幽暗象之陰也象陽晝晝日明

察象之陽也象兵氣氣形妖異象之兵也

太古河圖代姓紀第二

清氣未升濁氣未沉遊神未靈五色未分中有其物冥冥而性存謂之混沌混沌爲太始太始者元胎之萌也太始之數一一爲太極太極者天地之父母也一極易天高明而清地博厚而濁謂之太易太易者天地之變也太易之數二二爲兩儀兩儀者陰陽之形也謂之太初太初者天地之交也太初之數四四盈易四象變而成萬物謂之太素太素者三才之始也太素之

數三三盈易天地孕而生男女謂之三才三才者天地之備也遊神動而靈故飛走潛化動植蟲魚之類必備於天地之間謂之太古太古者生民之始也太古之人皆壽盈易始三男三女冬聚夏散食鳥獸蟲魚草木之實而男女構精以女生爲姓始三頭謂之合雄紀生子三世合雄氏沒子孫相傳記其壽命是謂叙命紀通紀四姓生子二世男女衆多群居連逋從強而行是謂連逋紀生子一世通紀五姓是謂五姓紀天下群居以類相親男女衆多分爲九頭

居方故號居方氏。居方氏沒生子三十二世強弱相迫欲生吞害中有神人提提而治故號提提氏。提提氏生子三十五世通紀七十二姓故號通姓氏。

有巢氏生太古之先覺識於天地草木蟲魚鳥獸俾人居巢穴積鳥獸之肉聚草木之實天下九頭咸歸有巢始君也動止群群相聚而尊事之壽一太易本通姓氏之後也。

燧人氏有巢子也生而神靈教人炮食鑽木取火天下生靈尊事之始有日中之市交易其物。

有傳教之臺有結繩之政壽一太易本通姓氏
之後也

伏羲氏燧人子也因風而生故風姓末甲八太
七成三十二易草木草生月雨降日河汎時龍
馬負圖蓋分五色文開五易甲象崇山天皇始
畫八卦皆連山名易君臣民物陰陽兵象始明
於世圖出後二成二十二易草木木枯月命臣
飛龍氏造六書後草木一易木王月命臣潛龍
氏作甲曆伏制犧牛冶金成器教民炮食易九
頭爲九牧因尊事爲禮義因龍出而紀官因鳳

來而作樂命降龍氏和率萬民命水龍氏平治
水土命火龍氏炮冶器用因居方而置城郭天
下之民號曰天皇太昊伏羲有炮升龍氏本通
姓氏之後也

天皇伏羲氏皇策辭第三

昔在天皇居於君位咨於相咨於將咨於民垂
皇策辭皇曰惟我生無道承父居方三十二易
草木上升君位我父燧皇歸世未降河圖生民
結繩而無不信於末甲八大七成三十二易草
木惟我老極時生人衆多羣羣蟲聚欲相吞害

惟天至仁於草生月天雨降河龍馬負圖神開
我心子其未生我畫八卦自上而下咸安其居
後二成二十二易草木皇曰命子襄居我飛龍
之位主我圖文代我咨於四方上下無或私襄
曰咸若咨衆之辭君無念哉後一易草木皇曰
命子英居我潛龍之位主我陰陽甲曆咨於四
方上下無或差英曰依其法亦順君無念哉皇
曰無爲後二十二易草木皇英氏進曆於君曰
曆起甲寅皇曰甲日寅辰木王於卯乃於衆於
傳教臺告民示始甲寅易二月天皇升傳教臺

乃集生民后女媧子無懷備民之右上相共工
下相皇栢飛龍朱襄氏潛龍昊英氏居君左右
栗陸氏居北赫胥氏居南昆連氏居西葛天氏
居東陰康氏居下九州之牧各統其人群居於
外皇曰咨予上相共工我惟老極無爲子惟扶
我正道咨告於民俾知甲曆日月歲時自茲始
無或不記子勿怠共工曰工居君臣之位無有
勞君其念哉皇曰下相皇栢我惟老極無爲子
惟扶我正道撫愛下民同力咨告於民俾知甲
曆日月歲時自茲始無或不記子其勿怠栢曰

居君臣之位無有勞君其念哉皇曰粟陸子居
我水龍之位主養草木開道泉源無或失時子
其勿怠陸曰竭力於民君其念哉皇曰大庭主
我屋室視民之未居者喻之借力同構其居無
或寒凍庭曰順民之辭皇曰陰康子居水土俾
民居處無或漂流勤於道達於下康曰順君之
辭皇曰渾沌子居我降龍之位惟主於民皇曰
昆連子主我刀斧無俾野獸義虎之類傷殘生
民無俾同類大力之徒區逐微弱子其伏之連
曰專主兵事君無念哉皇曰四方之君咸順我

辭則世無害惟愛於民則位不危皇曰子無懷
安惟安於民民安子安民危子危子其念哉

氣墳第二

人皇神農氏歸藏易

爻卦大象第四

天氣歸

歸藏定位

歸生鬼

歸動乘舟

歸長兄

歸育造物

歸止居域

歸殺降

地氣藏

藏歸交

藏生卯

藏動鼠

藏長姊

藏育化物

藏止重門

藏殺盜

木氣生

生歸孕

生藏害

生動勲陽

生長元胎

生育澤

生止性

生殺相剋

風氣動

動歸乘軒

動藏受種

動生機

動長風

動育源

動止戒

動殺虐

火氣長

長歸從師

長藏從夫

長生志

長動麗

長育達道

長止平

長殺順性

水氣育

育歸流

育藏海

育生愛

育動漁

育長苗

育止養

育殺備

山氣止

止歸約

止藏淵

止生貌

止動濟

止長植物

止育潤

止殺寬宥

金氣殺

殺歸尸

殺藏墓

殺生無忍

殺動干戈

殺長戰

殺育無傷

殺止亂

傳天氣歸聖人以禮下賢智歸藏定位聖人以
儀辨尊卑歸生覓聖人以明神變歸動乘舟聖
人以造舟楫歸長兄聖人以辨兄弟歸育造物

聖人以明天意歸止居域聖人以居生民歸殺
降聖人以存歸類

地氣藏聖人以藏智於國藏歸交聖人以道接
生靈藏生郊聖人以仁及飛鳥藏動鼠聖人以
防倂幸藏長姊聖人以分男女藏育化物聖人
以察地理藏止重門聖人以謹啓閉藏殺盜聖
人以防民亂

木氣生聖人以行仁政生歸孕聖人以察生產
生藏害聖人以異居室生動勲陽聖人以行慶
錫生長元胎聖人以測大象生育澤聖人以待

天時生止性聖人以隨民心順民性生殺相剋
聖人以防民事

風氣動聖人以宣號令動歸乘軒聖人以造車
輪動藏受種聖人以播百穀動生機君子以通
變化動長風聖人以通達治道動育源聖人以
溉灌民田動止戒聖人以慎起居防禍亂動殺
虐聖人以戒殺伐

火氣長聖人以明長幼長歸從師聖人以立學
教民長藏從夫聖人以教婦道長生志聖人以
量能受事長動麗聖人以置網罟長育違道聖

人以防民逆長止平聖人以均有無平阿黨長
殺順性聖人以盡物壽

水氣育聖人以教民育材育歸流聖人以疏通
群議育藏海聖人以廣納萬慮育生愛聖人以
恤窮民育動漁聖人以教民漁網育長苗聖人
以教農鋤耨育止養聖人以教民孝育教備聖
人以養六畜

山氣止聖人以安萬國止歸約聖人以教民歸
信止藏淵聖人以深治道止生貌聖人以形辨
貴賤色正賢否止動濟聖人以置民器利民用

止長植物聖人以名草藥辨味性止育潤聖人以開河渠澤潤草木止殺寬宥聖人以御凶亂金氣殺聖人以順天殺物殺歸尸聖人以封丘之殺藏墓聖人以穴丘之殺生無忍聖人以遠庖厨殺動干戈聖人以定禍亂殺長戰聖人以陳卒伍殺育無傷聖人以用非常殺止亂聖人以刑伐格治

人皇神農氏政典第五

政典曰惟天生民惟君奉天惟食喪祭衣服教化一歸於政皇曰我惟生無德咸若古政嗟爾

四方之君有官有業乃子乃父乃兄乃弟無亂
於政昔二君始王未有書契結繩而治交易而
生亦惟歸政昔在天皇肇脩文教始畫八卦明
君臣民物陰陽兵象以代結繩之政出言惟辭
制器惟象動作惟變卜筮惟占天皇氏歸氣我
惟代政惟若古道以立政皇曰正天時因地利
惟厚於民民惟邦本食惟民天農不正食不豐
民不正業不專惟民有數惟食有節惟農有教
林林生人無亂政典政典曰君正一道二三凶
臣正一德有常吉時正惟四亂時不植氣正惟

和氣亂作癘官正惟百民正惟四色正惟五常
質惟良病正四百四藥正三百六十五過數
亂而昏而毒道正常過政反僻刑正平過政反
私祿正滿過政反侈禮正度過政反僭樂正和
過政反流治正簡過政反亂喪正哀過政反遊
干戈正亂過政反危市肆正貨過政反邪譏禁
正非過政失用皇曰嗟爾有官有業乃子乃父
乃兄乃弟咸若我辭一歸於政皇曰君相信任
惟正相君備位惟忠相官統治惟公官相代位
惟勤官民撫愛惟仁民官事上惟業父無不義

厥子惟孝兄無不友厥弟惟恭夫不遊妻不淫
師不怠教不失刑者形也形爾身道者導也導
爾志禮者制也制爾情樂者和也和爾聲政者
正也正爾事



形墳第三

地皇軒轅氏坤乾易

爻卦天象第六

乾形天

地天降氣

日天中道

月天夜明

山天曲上

川天曲下

雲天成陰

氣天習蒙

坤形地

天地圓丘

日地園宮

月地斜曲

山地險徑

川地廣平

雲地高林

氣地下濕

陽形日

天日昭明

地日景隨

日月從朔

山日沉西

川日流光

雲日蔽露

氣日昏部

陰形月

天月淫

地月伏輝

日月代明

山月升騰

川月東浮

雲月藏宮

氣月冥陰

土形山

天山岳

地山磐石

日山危峯

月山斜巔

川山島

雲山岫

氣山巖

水形川

天川漢

地川河

日川湖

月川曲池

山川澗

雲川溪

氣川泉

雨形雲

天雲祥

地雲黃雲

日雲赤燁

月雲素燁

山雲疊峯

川雲流霽

氣雲散彩

風形氣

天氣垂氤

地氣騰氤

日氣晝圓

月氣夜圓

山氣籠煙

川氣浮光

雲氣流霞

傳軋形天聖人以仰觀大象地天降氣聖人以
推中氣正歲年日天中道聖人以分晝景月天
夜明聖人以辨昏象山天曲上聖人以慎行求

諫川天曲下聖人以察姦佞雲天成陰聖人以
澤蔭庶物氣天習蒙聖人以至明燭幽

坤形地聖人以辨方隅天地圓丘聖人以祀上
帝日地園宮聖人以祭日月地斜曲聖人以正
經界山地險徑聖人以通道路川地廣平聖人
以設溝洫雲地高林聖人以教民取材氣地下
濕聖人以教民漚網

陽形日聖人以繼明照下天日昭明聖人以求
賢代明地日景隨聖人以德教化民日月從朝
聖人以推氣候山日沉西聖人以思賢繼治川

日辨先聖人以恩及蟲魚雲日蔽露聖人以明
察左右氣日昏部聖人以修省國政

陰形月聖人以命相代政天月淫聖人以機密
大臣地月伏輝聖人以訪求賢隱日月代明聖
人以君臣代政山月升騰聖人以命相統治川
月東浮聖人以恩及命婦雲月藏宮聖人以慎
內政氣月冥陰聖人以慎羣小

土形山聖人以正名岳鎮天山岳聖人以嚴恭
崇祀地山磐石聖人以深固基業日山危峯聖
人以慎孤高月山斜巔聖人以慎危覆川山島

聖人以防濫僭雲山岫聖人以振財祿賢氣山
巖聖人以深宮養性

水形川聖人以設法無弊天川漢聖人以辨時
候地川河聖人以紀地理日川湖聖人以聚財
養士月川曲池聖人以教民漉網山川澗聖人
以通江海雲川溪聖人以思求隱逸氣川泉聖
人以通漑民田

雨形雲黃帝以雲瑞紀官天雲祥聖人以符應
天命地雲黃璽聖人以土德推曆日雲赤曇聖
人以防慎火災月雲素雯聖人以占其治亂山

雲疊峯聖人以意決災異川雲流霽聖人以防
備水患氣雲散彩聖人以決兵勝敗

風形氣聖人以決亂天氣垂氤聖人以辨時候
地氣騰氤聖人以辨妖孽日氣晝圍聖人以決
災變月氣夜圓聖人以定方象山氣籠煙聖人
以取金玉川氣浮光聖人以採珠寶雲氣流霞
聖人以辨恠異

地皇軒轅氏政典第七

皇曰嗟爾天師備相五正百官士子農夫商人
工伎咸若我言政典曰國無邪教市無淫貨地

無荒土官無濫士邑無游民山不童澤不涸其
正道至矣正道至則官有常職民有常業父子
不背恩夫婦不棄情兄弟不去義鳥獸不失長
草木不失生政典曰方圓角直曲斜凹凸必有
形遠近高下長短疾緩必有制寒暑燥濕風雨
逆順必有時金木水火土石羽毛必有濟布帛
桑麻筋角齒革必有用百工器用必有制聖人
治天下權以聚財財以施智智以偁賢賢以輔
道道以統下下以事上上以施仁仁以保位位
以制義義以備禮禮以制情情以敦信信以一

德德以明行行以崇教教以歸政政以崇化化以順性性以全命命以保生生以終壽

皇曰岐伯天師爾司日月星辰陰陽曆數爾正爾考無有差貸先時者殺不及時者殺爾惟戒哉

皇曰后土中正爾識山川草木蟲魚鳥獸爾掌爾察無亂田制以作田訟爾惟念哉

皇曰龍東正爾分爵祿賢智爾咨爾行無播太賢以恪財無庇惡德以私賞

皇曰融南正爾平禮服祭祀爾正爾惟無亂國

制以僭上無廢祀事以簡恭爾惟念茲

皇曰太封西正爾分干戈刑法爾掌爾平


皇曰太常北正爾居田制民事爾訓爾均百工

惟良山川爾圖爾惟勤恭哉

皇曰天師備相五正百官士子農夫商人工技

咸順我言終身於休

古三墳書終




大德戊戌中秋後二日虞梅陸元通置

夏大德戊戌中秋後二日虞梅陸元通置



後叙

傳曰河圖隱於周初三墳亡於幽厲洛書火於
亡秦治世之道不可復見余自天復中隱於青
城之西因風雨石裂中有石匣得古文三篇皮
斷簡脫皆篆字乃上古三皇之書也子曰卦非
六位非卦也位非三才非位也爻非三百六十
四非爻也是知生生之謂易易者變而通之之
謂也六爻不動而吉凶變焉是易之道也



余家藏此古三墳書而時人罕有識者恐遂湮沒不傳于世乃命刻于婺州學中以與天下共之紹興十七年歲次丁卯五月重五日三衢沈斐書

歲在庚辰孟秋月二十有四日樵李雁湖陶日發字勝叔收此記
光緒辛丑仲秋申味馬維實康購此冊于留為市其值五十金

古三墳書聞其名不見其

書因得之

父親覽其

申二月三日書

三墳書三子天復中人有隱於青城之西者
獲白石鐫石匣中竹簡古篆釋而成此復繫
以傳而傳之至元豐始有人傳錄南渡後不刊
行之竊審此書文卦大象第一第四又卦大象
第六是三篇古之三墳也象辭後傳者天復
時人所作也神農氏政典第五軒轅氏政典第
七五典之二也合尚書堯典舜典二篇古五典之
事其四矣太古河岳代姓紀第二上古之史也伏
義氏皇策辭第三亦古之政典疑即五典之一
五典止也久矣不意始見於三墳書後亦奇矣